

Broj: 03-02-1473/2021
Sarajevo, 17.06.2022. godine

**PARLAMENT FEDERACIJE
BOSNE I HERCEGOVINE**

- **Predstavnički dom-
gosp. Mirsad Zaimović, predsjedavajući**
- **Dom naroda –
gosp. Tomislav Martinović, predsjedavajući**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO** B-8

Primljeno: 17-06-2022

Org. jed.	Broj	Priloga	Vrijednost
01,02	-02-	485	/22

Poštovani,

U prilogu Vam dostavljam Informaciju o efektima primjene Odluke V. broj: 3/2022 od 07.01.2022. godine o ograničavanju povećanja cijena snabdijevanja električnom energijom, koju je Vlada Federacije Bosne i Hercegovine prihvatila na 319. sjednici, održanoj 16.06.2022. godine.

S poštovanjem

**PREMIJER**

Fadil Novalić

Prilog: kao u tekstu

GOVERNMENT

Na osnovu člana 19. stava (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 30. i 51. stav (1) Poslovnika o radu Vlade Federacije Bosne i Hercegovine - Pročišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), nakon razmatranja Informacije Federalnog ministarstva energije, rudarstva i industrije o efektima primjene Odluke Vlade Federacije BiH V. broj: 3/2022 od 07.01.2022. godine o ograničavanju povećanja cijena snabdijevanja električnom energijom, Vlada Federacije Bosne i Hercegovine, na 319. sjednici, održanoj 16.06.2022. godine, donosi

ZAKLJUČAK

1. Vlada Federacije Bosne i Hercegovine prihvata Informaciju Federalnog ministarstva energije, rudarstva i industrije o efektima primjene Odluke Vlade Federacije BiH V. broj: 3/2022 od 07.01.2022. godine o ograničavanju povećanja cijena snabdijevanja električnom energijom ("Službene novine Federacije BiH", broj: 3/22).
2. Zadužuje se Federalno ministarstvo energije, rudarstva i industrije da napravi analizu efekata primjene ove odluke i nakon šest mjeseci, te eventualno predloži korekcije i dostavi Vladi Federacije BiH kako bi isto bilo upućeno Parlamentu Federacije Bosne i Hercegovine na raspravu i izjašnjanje ili po potrebi i ranije.
3. Zadužuje se Generalni sekretarijat Vlade Federacije BiH da Informaciju iz tačke 1. uputi Parlamentu Federacije Bosne i Hercegovine na raspravu i izjašnjanje.
4. Ovaj zaključak stupa na snagu danom donošenja.

V. broj: 896/2022
16.06.2022. godine
Sarajevo



FEDERALNO MINISTARSTVO ENERGIJE, RUDARSTVA I INDUSTRIJE

INFORMACIJA

**o efektima primjene Odluke Vlade Federacije BiH V. broj 3/2022 od 07.01.2022.
godine o ograničavanju povećanja cijena snabdijevanja električnom energijom**

Juni, 2022. godine

Na osnovu člana 30. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21) Federalno ministarstvo energije, rudarstva i industrije izvještava Vladu Federacije Bosne i Hercegovine o efektima primjene Odluke Vlade Federacije BiH V. broj 3/2022 od 07.01.2022. godine ("Službene novine Federacije BiH", broj 3/22) o ograničavanju povećanja cijena snabdijevanja električnom energijom, kako slijedi

INFORMACIJA

o efektima primjene Odluke Vlade Federacije BiH V. broj 3/2022 od 07.01.2022. godine o ograničavanju povećanja cijena snabdijevanja električnom energijom

Podsjetili bi da je odlukom DERK-a otvoreno tržište električne u Bosni i Hercegovini, te su svi snabdjevači postali učesnici na tržištu električne energije gdje slobodno ugovaraju količinu, cijene i uslove isporuke električne energije.

S tim u vezi, bilo je potrebno stvoriti pravni osnov za regulisanje tržišta u izuzetnim situacijama koje prijete da će nanijeti veću štetu pravnim licima koja nisu elektroprivredni subjekti u Federaciji Bosne i Hercegovine.

Kako je došlo do enormnog povećanja tržišnih cijena električne energije na berzama električne energije i kako se na osnovu ovih tržišnih cijena formiraju cijene električne energije za tržišne kupce električne energije, došlo je do velikog povećanja cijena tržišnim kupcima u odnosu na prethodni ugovor o snabdijevanju električnom energijom.

Veliko povećanje cijena predstavljalo je udar na poslovanje tržišnih kupaca, te je moglo doći do ugrožavanja opstanka mnogih privrednih subjekta, smanjenje broja radnih mjesta, dodatnih poskupljenja i pada životnog standarda.

Zbog navedenog, tačkom I Odluke Vlade Federacije BiH V. broj 3/2022 od 07.01.2022. godine ("Službene novine Federacije BiH", broj 3/22) ograničeno je tokom 2022. godine povećanje cijena snabdijevanja električnom energijom za kvalifikovanog kupca do 20% maksimalno u odnosu na prethodnu godinu, pri čemu se isto odnosi za ugovore sa godišnjim trajanjem ili duže.

Tačkom II navedene Odluke Vlade Federacije BiH zaduženo je Federalno ministarstvo energije, rudarstva i industrije da tri mjeseca od stupanja na snagu Odluke napravi analizu efekata primjene ove Odluke, te eventualno predloži neke korekcije i dostavi Vladi Federacije BiH kako bi isto bilo upućeno Parlamentu Federacije Bosne i Hercegovine na raspravu i izjašnjavanje ili po potrebi i ranije.

Postupajući po tački II navedene Odluke Vlade Federacije BiH Federalno ministarstvo energije, rudarstva i industrije je, na osnovu podataka JP Elektroprivreda BiH d.d. – Sarajevo, datih aktom broj: 01-04-11917-1/22 od 21.04.2022. godine, napravilo analizu efekata primjene ove Odluke u navedenom periodu, kako slijedi:

Nakon isteka tri mjeseca primjene Odluke o ograničavanju povećanja cijena snabdijevanja električnom energijom, donesene od strane Vlade Federacije BiH, a nakon što je Parlament Federacije Bosne i Hercegovine usvojio Zakon o dopunama Zakona o električnoj energiji („Službene novine FBiH“, broj 1/22, koji je stupio na snagu 06.01.2022. godine), analizirani su efekti primjene iste na poslovanje JP Elektroprivreda BiH d.d. - Sarajevo.

Rezultati analiza dostavljaju se u nastavku.

Energetski i finansijski pokazatelji u pogledu isporučene električne energije krajnjim kupcima na tržišnom snabdijevanju u prva tri mjeseca 2022. godine prikazani su u tabeli 1.


Tabela 1 Tržišno snabdijevanje 01.01.-31.03.2022. godine: energetske i finansijske pokazatelje

Realizacija 01.01.-31.03.2022. godine		
(GWh)	fmil. KM	(KM/kWh)
457.27	71.74	0.1569

JP Elektroprivreda BiH d.d. - Sarajevo zaključila je ugovore o tržišnom snabdijevanju električnom energijom sa godišnjim trajanjem sa svim kupcima kojima je u prethodnoj godini bila odabrani snabdjevač na tržištu električne energije, te sa novim kupcima, primjenjujući predmetnu Odluku Vlade Federacije BiH od dana stupanja na snagu iste, odnosno izuzetno nakon stupanja na snagu iste, do 31.12.2022. godine. Do dana početka primjene Odluke, električna energija obračunata je po ranije prihvaćenim ponudama za tržišno snabdijevanje ili po cijenama rezervnog snabdijevanja ukoliko kupac nije pravovremeno odabrao snabdjevača električnom energijom na tržištu.

Pored energije isporučene kupcima u okviru usluge tržišnog snabdijevanja, prikazane u tabeli 1, JP Elektroprivreda BiH d.d. - Sarajevo je u posmatranom periodu u okviru usluge rezervnog snabdijevanja isporučila kupcima količinu električne energije od oko 11.5 GWh, po prosječnoj cijeni od oko 0.48 KM/kWh.

Prosječna ostvarena proizvodna cijena JP Elektroprivreda BiH d.d. - Sarajevo za prvi kvartal 2022. godine procjenjuje se na 0.1010 KM/kWh, pri čemu se ostvarena proizvodna cijena termoelektrana JP Elektroprivreda BiH d.d. - Sarajevo procjenjuje na 0.1130 KM/kWh. Ukupna realizovana proizvodnja električne energije iz proizvodnih kapaciteta JP Elektroprivreda BiH d.d. - Sarajevo u posmatranom periodu iznosila je oko 1,700 GWh, pri čemu je udio proizvodnje električne energije u termoelektanama iznosio 74.4%. Pregled realizovane proizvodnje JP Elektroprivreda BiH d.d. - Sarajevo te potrošnje električne energije kupaca koji su se u posmatranom periodu električnom energijom snabdijevali od strane JP Elektroprivreda BiH d.d. - Sarajevo prikazan je na slici 1.



Slika 1 JP Elektroprivreda BiH d.d. - Sarajevo: Ostvarenje proizvodnje i potrošnje električne energije

Sa slike 1 vidljivo je da električna energija proizvedena u hidroelektranama i vjetroparku nije dostatna za pokrivanje potreba kupaca koji se električnom energijom snabdijevaju u okviru usluge javnog snabdijevanja, čija je cijena snabdijevanja električnom energijom za oko 50% manja u odnosu na kupce koji se električnom energijom snabdijevaju u okviru usluge tržišnog i rezervnog snabdijevanja. Stoga se nadalje u analizi primjenjuje cijena proizvodnje električne energije proizvedene u termoelektranama JP Elektroprivreda BiH d.d. - Sarajevo.

Procjenjuje se da, u okviru usluga tržišnog i rezervnog snabdijevanja, razlika plasmana električne energije po realizovanoj cijeni snabdijevanja i plasmana električne energije po proizvodnoj cijeni termoelektrana JP Elektroprivreda BiH d.d. - Sarajevo za prvi kvartal 2022. godine iznosi više od 20 mil. KM.

Ovakav rezultat direktna je posljedica primjene Odluke o ograničavanju povećanja cijena snabdijevanja električnom energijom od 07.01.2022. godine, odnosno u izuzetnim slučajevima nakon 07.01.2022. godine.

Stvarni efekti primjene ove Odluke će biti vidljivi u narednom razdoblju. Procjenjuje se da bi, u slučaju da je predmetna Odluka primijenjena od 01.01.2022. godine, razlika plasmana električne energije po procijenjenoj cijeni tržišnog snabdijevanja i plasmana električne energije po proizvodnoj cijeni termoelektra. na JP Elektroprivreda BiH d.d. - Sarajevo za prvi kvartal 2022. godine iznosila oko 5 mil. KM. Dakle, sa aspekta primjene Odluke o ograničavanju povećanja cijena snabdijevanja električnom energijom, realna prosječna cijena tržišnog snabdijevanja procjenjuje se na oko 0.1239 KM/kWh, što predstavlja razliku od više od -18 mil. KM u odnosu fakturisanu realizaciju, a što je nadalje relevantno u pogledu procijena za naredne periode.

U slučaju da je tržišno snabdijevanje električnom energijom za 2022. godinu ugovoreno u decembru 2021. godine po tržišnim uslovima, procjenjuje se da bi prosječna cijena tržišnog snabdijevanja iznosila 0.3031 KM/kWh. Sa ovom cijenom, samo u prvom kvartalu 2022. godine, bio bi ostvaren veći prihod za više od 80 mil. KM u odnosu na procjenu prihoda od snabdijevanja prilikom primjene Odluke Vlade Federacije BiH za cjelokupni period. Potrebno je naglasiti da su u decembru 2021. godine, na mađarskoj berzi HUDEX, cijene tržišnih produkata band i peak za 2022. godinu bile veće od 0.2934 KM/kWh, odnosno od 0.3912 KM/kWh, respektivno.

Rezime fakturisane realizacije, procjene efekta primjene Odluke o ograničavanju povećanja cijena snabdijevanja električnom energijom, te procjene prihoda u slučaju ugovaranja tržišnog snabdijevanja po tržišnim uvjetima u decembru 2021. godine, dat je u tabeli 2.

Tabela 2 Pregled fakturisane realizacije, procjene efekta primjene Odluke Vlade Federacije BiH, te procjene prihoda u slučaju ugovaranja snabdijevanja po tržišnim uslovima

	<i>01.01.-31.03.2022. godine</i>		
	(GWh ¹)	(mil KM)	CKM/kWh ¹)
<i>Realizacija</i>	468.74	77.24	0.1648
<i>Procjena efekta primjene Odluke</i>	468.74	58.07	0.1239
<i>Tržišni uvjeti (XII2021.)</i>	468.74	142.07	0.3031

Na osnovu svega navedenog, može se reći da Vlada Federacije BiH može biti zadovoljna efektima primjene Odluke Vlade Federacije BiH V. broj 3/2022 od 07.01.2022. godine o ograničavanju povećanja cijena snabdijevanja električnom energijom.

Potrebno je napomenuti da podatke od JP EP HZ HB d.d. Mostar nismo dobili ali da ćemo ih prikupiti i objediniti za naredni period.